

καὶ τῆς ἀναγεννήσεως τῆς πνευματικῆς· ἀλλὰ δῆλον ὅτι καὶ ταῦτα πίστει
ἐστὶ καταληπτὰ.

baptismate namque sermo erat, et de regeneratione spirituali: sed
palam est ea etiam fide esse comprehensibilia.

ANTIOCHUS Ep. Ptolemaidensis in Phoenicia († ca 408)

IN FESTIVITATE NATIVITATIS ¹

769 *Liber, inquit, generationis Iesu Christi filii David, filii Abraham.*² PLS
III, 781
Habes, qui ex Deo est, suscipe qui ex Maria, neque illum neges,
neque hoc confundaris. Habes filium Dei, habes filium Mariae; ha-
bes Dominum, habes servum; habes creatorem, habes interpretem;
habes aeternum, habes temporalem; habes de coelo; habes de Beth-
lehem; habes coelestem, habes terrenum. Quidquid gloriosum,
iaculare sursum, quidquid humile, huic coniunge.

EIUSDEM. *Peperit Maria infantem,*³ hoc erat hominis, *orta est
desuper stella,* hoc erat Dei; *lacte nutriebatur infans,* hoc eius qui
secundum nos est, *obsecundant ei qui natus est magi,*⁴ hoc eius qui
ante saecula est; iactatur in spelunca, hoc clementiae est.

EIUSDEM. *Lucernam,*⁵ inquit, intelligo ex Maria hominem: *lu-
cernam,* quia assumptus ex terra et ex mero luto fictus est, *lucernam*
hominem ignem habentem Deum. Quando consideras Deum
in hominem, et vides hunc quidem de terra, hunc vero de coelis,
quando vides hunc equidem ex Maria, hunc autem ex Patre, et
utraque in se inseparabiliter copulata, illud intellige, *quod Deus
noster ignis consumens est.*⁶

EIUSDEM ADVERSUS IUDAEOS IN PASCHA LOQUENS. Omnino
autem cura tibi est vocum prophetiarum: cur celas vocem Da-
nielis, dicentem: *Lapis abscisus est sine manibus et factus est in mon-
tem magnum?*⁷ Putas, non tibi videtur *mons Maria, lapis sine ma-
nibus abscisus* Christus, *lapis abscisus sine manibus* homo natus
sine amplexionibus?

¹ Exstat in « Tractatus de duabus naturis » PP. Gelasii.

² Matth. I, 1.

³ Lc. II, 7; Matth. I, 25.

⁴ Matth. II, 1.

⁵ Ps. CXXXI, 17.

⁶ Hebr. XII, 29.

⁷ Dan. II, 34.